

UDHËZIM
Nr. 19, datë 3.11.2014

**PËR ZBATIMIN E REGJIMIT TË VEÇANTË TËSKEMËS SË KOMPENSIMIT TË
PRODHUESVE BUJQËSORË PËR QËLLIME TË TATIMIT MBI VLERËN E SHTUAR**
*(Ndryshuar me udhëzimin nr. 23, datë 7.9.2015; nr. 26, datë 26.10.2015; nr. 10, datë 3.5.2016;
nr. 3, datë 21.2.2019; nr. 4, datë 30.1.2026)*

(I përditësuar)

Në mbështetje të nenit 102, pika 4, të Kushtetutës së Republikës së Shqipërisë, në zbatim të nenit 159, paragrafi 2 të ligjit nr. 92/2014, datë 24.7.2014 “Për tatimin mbi vlerën e shtuar në Republikën e Shqipërisë”, ministri i Financave

UDHËZON:

Neni 1
Qëllimi

Ky udhëzim ka për qëllim të përcaktojë rregullat dhe procedurat mbi zbatimin e seksionit 4, të kreut XI, të ligjit 92/2014, datë 24.7.2014 “Për tatimin mbi vlerën e shtuar në Republikën e Shqipërisë” për skemën e kompensimit të prodhuesve bujqësorë, të cilët në vijim në këtë udhëzim do të referohen me termin “fermer”.

Neni 2
Objekti i skemës së kompensimit

1. Janë objekt dhe i nënshtrohen skemës së kompensimit, fermerët që zhvillojnë aktivitetin e vet në kuadrin e një sipërmarrjeje bujqësore, si veprimtari për prodhimin e produkteve bujqë-sore, bimore ose shtazore, në kuadrin e aktiviteteve të përcaktuara dhe të listuara sipas pikës 2 të këtij neni.

2. Bazuar në pikën 2 të nenit 146 të ligjit, skema e kompensimit do të zbatohet për produktet bujqësore të prodhuara në kuadër të aktiviteteve prodhuese bujqësore referuar listës në aneksin III të ligjit, të listuara si më poshtë:

Lista e aktiviteteve prodhuese bujqësore

1. Kultura bujqësore:

a) bujqësia e përgjithshme, përfshirë vreshtarinë;

b) pemëtaria (përfshirë olivokulturën) dhe hortikultura (perimet, lulet dhe bimët zbukuruese), edhe në serra;

c) prodhimi i kërpudhave dhe i erëzave, i farërave dhe filizave;

ç) prodhimi i fidanëve.

2. Blegtoria:

a) mbarështimi i kafshëve;

b) mbarështimi i shpendëve;

c) mbarështimi i lepujve;

ç) mbarështimi i bletëve;

d) mbarështimi i krimbit të mëndafshit;

dh) mbarështimi i kërmillit.

3. Termat e përdoruar në këtë udhëzim janë të njëjtë me termat e përkufizuar në nenin 145 të ligjit.

Neni 3
Kushte të përgjithshme
(Shtuar pikat 1.1 dhe 1.2 me udhëzimin nr. 4, datë 30.1.2026)

1. Fermerët, në kuadër të veprimtarisë së tyre prodhuese, furnizojnë me produkte bujqësore një person të tatueshëm, i cili nuk është objekt i zbatimit të kësaj skemë kompensimi.

1.1 Personi i tatueshëm, blerës i produkteve bujqësore është personi i regjistruar për TVSH-në, i cili ushtron aktivitet si grumbullues ose/dhe përpunues i produkteve bujqësore apo agroturizëm i certifikuar sipas legjislacionit në fuqi për turizmin.

1.2 Për qëllime të këtij udhëzimi, blerësit e produkteve bujqësore, referuar pikës 1.1 të këtij neni, kanë kuptimin si më poshtë:

a) “Grumbullues i produkteve bujqësore” është personi fizik ose juridik, i regjistruar me përgjegjësi tatimore për TVSH-në, i cili ushtron veprimtari ekonomike, sipas kodeve të aneksit 1 bashkëlidhur, të blerjes, mbledhjes, selektimit dhe tregtimit me shumicë, të produkteve bujqësore dhe/ose blegtorale, me prejardhje nga puna e fermerit, të furnizuara drejtpërdrejt prej tij;

b) “Përpunues i produkteve bujqësore” është personi fizik ose juridik, i regjistruar me përgjegjësi tatimore për TVSH-në, i cili ushtron veprimtari ekonomike, sipas kodeve të aneksit 1 bashkëlidhur, të blerjes dhe përpunimit të produkteve bujqësore dhe/ose blegtorale, me prejardhje nga puna e fermerit, të furnizuara drejtpërdrejt prej tij;

c) “Agroturizëm i certifikuar” ka të njëjtin kuptim me atë të përcaktuar në legjislacionin në fuqi për turizmin, ku personi i tatueshëm që ushtron këtë aktivitet blen produkte bujqësore dhe/ose blegtorale, me prejardhje nga puna e fermerit, të furnizuara drejtpërdrejt prej tij.

2. Fermerët që i nënshtrohen kësaj skeme, konsiderohen ajo kategori e prodhuesve bujqësore të cilët nuk i nënshtrohen regjimit normal të TVSH-së për arsye se aplikimi i regjimit normal të TVSH-së krijon vështirësi administrative.

3. Çdo fermer që i nënshtrohet këtij regjimi, në mënyrë të vullnetshme mund të zgjedhë t’i nënshtrohet regjimit normal të TVSH-së, duke iu nënshtuar çdo të drejte dhe detyrimi për regjistrim, deklarim, llogaritje dhe pagesë të TVSH-së sipas përcaktimeve ligjore.

4. Çdo fermer që furnizon (shet) produktet e tij bujqësore sipas këtij regjimi, qarkullimi vjetor i të cilit është mbi kufirin minimal të regjistrimit për TVSH-në, është i detyruar t’i nënshtrohet regjimit normal të TVSH-së duke iu nënshtuar çdo të drejte dhe detyrimi për regjistrim, deklarim, llogaritje dhe pagesë të TVSH-së sipas përcaktimeve ligjore.

5. Fermeri, i cili për qëllime të pikës 3 dhe 4 më sipër i nënshtrohet regjimit normal të TVSH-së, dorëzon në drejtorinë rajonale tatimore certifikatën e NIPT-it me të cilën është pajisur për të përfutur ngaskema e kompensimit si fermer, duke u çregjistruar nga kjo skemë kompensimi.

Neni 4

Kushtet për të përfutur nga skema e kompensimit

(Ndryshuar pika 1 me udhëzimin nr. 4, datë 30.1.2026)

1. Fermeri përfiton të drejtën e kompensimit për sa kohë që qarkullimi vjetor i tij nuk tejkalon kufirin minimal të përcaktuar të regjistrimit për TVSH-në. Ky qarkullim bazohet në shitjet e kryera, sipas vlerës totale të furnizimit të shënuar në faturë, për produktet bujqësore, kundrejt personave të tatueshëm që nuk përfitojnë nga skema e kompensimit, të regjistruar për TVSH-në që ushtrojnë aktivitet si grumbullues ose/dhe përpunues i produkteve bujqësore apo agroturizëm i certifikuar.

2. Fermerët që i nënshtrohen këtij regjimi, janë përfutues të skemës së kompensimit nëse furnizojnë mallra me prejardhje nga puna e tyre e kryer për aktivitetet prodhuese bujqësore të përcaktuara sipas këtij udhëzimi.

3. Fermerët që janë objekt i skemës së kompensimit, duhet të pajisen me një numër identifikimi (NIPT), lëshuar nga drejtoria rajonale tatimore ku ushtron aktivitetin fermeri për të përfutur nga kjo skemë, pa iu nënshtuar detyrimit për deklarim.

Neni 5

Pajisja me NIPT e fermerit

(Shtuar paragraf në fund të pikës 2; ndryshuar shkronja “a” dhe “b” në pikën 4 me udhëzimin nr. 10, datë 3.5.2016)

1. Aplikimi për t'u pajisur me NIPT bëhet nga vetë fermeri.

2. Për t'u pajisur me certifikatën e NIPT-it, individ-fermer paraqitet në Drejtorinë e Regjistrimit dhe Shërbimit të Tatimpaguesve në Drejtorinë Rajonale Tatimore të juridiksionit sipas ndarjes, organizimit administrativ, duke paraqitur dokumentacionin si më poshtë:

- Aplikimin për regjistrim sipas formularit përkatës të plotësuar me të gjitha të dhënat e detyrueshme të kërkuara, nënshkruar nga kërkuesi.

- Dokumentin origjinal të identifikimit (letërnjoftimit)/ose kopje të noterizuar të këtij dokumenti, i cili i bashkëngjitet aplikimit për regjistrim.

- Vërtetimin origjinal sipas formatit bashkë-ngjitur këtij udhëzimi, lëshuar për fermerin prej drejtorisë rajonale të Bujqësisë, Zhvillimit Rural dhe Administrimit të Ujërave, në bazë të të cilit vërtetohet aktiviteti prodhues bujqësor i fermerit.

Për aktivitetin prodhues bujqësor që kryhet në të njëjtin vend/adresë (tokë bujqësore ose adresë ku kryhet veprimtaria bujqësore/blegtorale) në pronësi ose në përdorim, ky vërtetim, për qëllime të pajisjes me NIPT, lëshohet vetëm në emër të një fermeri.

3. Dokumentet shoqëruese të aplikimit duhet të dorëzohen në origjinal ose kopje të njësuara me origjinalin, të jenë në gjuhën shqipe, nuk duhet të përmbajnë korrigjime ose fshirje dhe përmbajtja e tyre duhet të duket qartë, të jetë e lexueshme dhe të lejojë marrjen e imazhit elektronik të dokumentit.

4. Për pajisjen me NIPT të fermerit, janë të detyrueshme këto të dhëna:

a) të dhënat e identifikimit të fermerit, adresa e banimit, kontakte të personit;

b) vendi i ushtrimit të veprimtarisë prodhuese bujqësore. Për të njëjtin vend të veprimtarisë /adresë të ushtrimit të veprimtarisë prodhuese bujqësore, pajiset me NIPT, vetëm një fermer i cili ka në pronësi ose në përdorim dhe ushtron veprimtarinë në këtë vend;

b) vendi i ushtrimit të veprimtarisë prodhuese bujqësore;

c) fusha/(at) e veprimtarisë prodhuese bujqësore, në qoftë se është e përcaktuar, ose nëse fermeri kryen disa veprimtari prodhuese bujqësore, atëherë specifikohen disa duke filluar nga ajo që mban peshën kryesore;

ç) specimene i nënshkrimit (firmës) të individit- fermer.

5. Drejtoria rajonale tatimore merr në shqyrtim aplikimet për pajisjen me NIPT të fermerëve sipas radhës së paraqitjes së tyre. Drejtoria e regjistrimit dhe shërbimit të tatimpaguesit në drejtorinë rajonale tatimore përkatëse asiston aplikantin fermer në plotësimin e aplikimit dhe ndërkohë verifikon:

a) identitetin e nënshkruesit dhe faktin nëse është person i autorizuar për të bërë regjistrimin;

b) plotësimin e të gjitha të dhënave të detyrueshme të kërkuara, si dhe dokumentet shoqëruese;

c) paraqitjen në formën e kërkuar të dokumentacionit shoqërues, që vërteton të dhënat që regjistrohen;

d) faktin nëse të dhënat e shprehura në formularin e regjistrimit përputhen me të dhënat që përmbajnë dokumentet e kërkuara, që shoqërojnë formularin;

e) faktin nëse dokumentacioni i paraqitur nuk përmban korrigjime ose fshirje, apo është i palexueshëm.

6. Drejtoria rajonale tatimore, pasi kryen verifikimet përkatëse dhe vëren përmbushjen korrekte të kushteve për regjistrim, kryen regjistrimin e fermerit në regjistrin tatimor duke evidentuar dukshëm në faqen e regjistrimit faktin që i regjistruari është “fermer” dhe lëshon certifikatën e regjistrimit (NIPT-in) brenda një afati prej dy ditësh nga data e paraqitjes së aplikimit. Emërtimi në certifikatë shkruan: “Fermeri A.B.” ku AB është emri dhe mbiemri i fermerit.

7. Ky regjistrim dhe certifikata e NIPT-it lëshuar fermerit është e vlefshme vetëm për qëllime të përfitimit nga skema e kompensimit të prodhuesve bujqësorë sipas këtij ligji. Çdo përdorim i NIPT-it të lëshuar fermerit nga ana e tij apo nga persona të tjerë për qëllime të tjera të ndryshme nga ajo e përcaktuar në këtë udhëzim është në kundërshtim me qëllimin e përdorimit të tij.

Neni 6

Ndryshimet në regjistrim të fermerit

Nëse gjatë ushtrimit të veprimtarisë prodhuese të fermerit ka ndryshime në të dhënat e regjistruara apo të deklaruara në momentin e regjistrimit të tij, si p.sh. të dhënat e identifikimit, vendit të ushtrimit të veprimtarisë prodhuese bujqësore për shkak të tjetërsimit të tokës bujqësore apo çdondryshim tjetër, në të dhënat e deklaruara në momentin e regjistrimit etj., atëherë fermeri ose personi i autorizuar prej tij është

i detyruar t'i deklarojë këto ndryshime në drejtorinë rajonale tatimore ku është pajisur me certifikatën e NIPT-it.

Drejtoria rajonale tatimore reflekton ndryshimet përkatëse në regjistrin tatimor përkatës.

Neni 7

Çregjistrimi i fermerit

(Shfuqizuar fjalia e fundit e pikës 2 me udhëzimin nr. 4, datë 30.1.2026)

1. Fermeri çregjistrohet në mënyrë vullnetare nëpërmjet aplikimit për çregjistrim, sipas formularit të miratuar për këtë qëllim duke dorëzuar në të njëjtën kohë certifikatën e NIPT-it në drejtorinë rajonale tatimore në të cilën kjo certifikatë është lëshuar. Drejtoria rajonale tatimore evidenton në regjistrin tatimor datën e dorëzimit të NIPT-it prej fermerit duke e bërë të pavlefshëm këtë NIPT. Në rast vdekjeje të fermerit, çregjistrimi kryhet me kërkesë të çdo personi të interesuar dhe me depozitimin e dokumenteve përkatëse që vërtetojnë që personi është ka vdekur ose është shpallur i vdekur me vendim gjykatë, duke dorëzuar në të njëjtën kohë certifikatën e NIPT-it e cila është lëshuar në emrin e tij.

2. Çregjistrimi i fermerit dhe dorëzimi i certifikatës së NIPT-it në drejtorinë rajonale tatimore, përveç se bëhet për qëllime deklarimi, është i domosdoshëm për të shmangur keqpërdorimin e NIPT-it, pasi bën të pavlefshme çdo faturë tatimore në të cilën ky NIPT është shënuar, të lëshuar pas datës së çregjistrimit të fermerit.

Neni 8

Mënyra e zbatimit të skemës së kompensimit

(Ndryshuar togfjalësia në pikën 2 me udhëzimin nr. 3, datë 21.2.2019; ndryshuar me udhëzimin nr. 4, datë 30.1.2026)

1. Blerësi, person i tatueshëm i regjistruar për TVSH-në, për çdo furnizim të produkteve bujqësore, të marrë prej fermerit, në përputhje me këtë udhëzim, lëshon një faturë tatimore të fiskalizuar, në përputhje me ligjin për tatimin mbi vlerën e shtuar dhe ligjin për faturën dhe sistemin e monitorimit të qarkullimit, në të cilën evidenton si shitës, shitësin fermer (prodhues bujqësor), NIPT-in e fermerit dhe të dhënat e tjera të kërkuara sipas faturës. Kjo faturë, në të cilën nuk llogaritet TVSH-ja, lëshohet nga blerësi në momentin e dorëzimit të produkteve bujqësore nga fermeri.

2. Vlera e faturës përfaqëson vlerën e furnizimit të paguar nga blerësi për llogari të shitësit fermer, mbi të cilën aplikohet norma e kompensimit. Kjo vlerë e faturës regjistrohet nga blerësi i produkteve bujqësore në rubrikën e librit të blerjeve “Nga fermerët vendas/vlera e tatueshme”. Rubrika e librit të blerjeve “Nga fermerët vendas/TVSH” nuk plotësohet, pasi kompensimi i jepet fermerit nga administrata tatimore dhe jo nga blerësi.

3. Kërkesa për kompensim paraqitet sipas periudhave të mëposhtme:

- a) brenda datës 31 dhjetor, për furnizimet e kryera gjatë periudhës janar–qershor të vitit përkatës;
- b) brenda datës 30 qershor të vitit pasardhës, për furnizimet e kryera gjatë periudhës korrik–dhjetor të vitit paraardhës.

4. Fermeri, nëpërmjet shërbimit postar ose në rrugë elektronike, dorëzon në administratën tatimore kërkesën për kompensim, sipas formatit bashkëlidhur këtij udhëzimi. Kërkesa, ndër të tjera, duhet të përmbajë vlerën totale të faturave të lëshuara përgjatë periudhës së kompensimit, si dhe numrin e llogarisë bankare të fermerit. Kjo kërkesë shoqërohet edhe me kopje të faturave të lëshuara nga blerësi, sipas nenit 9 të këtij udhëzimi, të cilat duhet të jenë të firmosura nga shitësi-fermer.

5. Për të përfutur kompensimin, kushtet që duhet të plotësojë fermeri janë:

- a) qarkullimi vjetor nuk tejkalon kufirin minimal të regjistrimit për TVSH-në, të miratuar me vendim të Këshillit të Ministrave;
- b) të ketë kryer furnizime të produkteve bujqësore, sipas nenit 2 të këtij udhëzimi;
- c) të ketë furnizuar persona të tatueshëm që nuk përfitojnë nga skema e kompensimit në Republikën e Shqipërisë, të cilët janë të regjistruar për TVSH-në dhe ushtrojnë aktivitet si grumbullues ose/dhe përpunues i produkteve bujqësore apo agroturizëm i certifikuar sipas legjislacionit në fuqi për turizmin;

d) është pajisur me një numër identifikimi të personit të tatueshëm, sipas nenit 5 të këtij udhëzimi;
e) faturat e marra nga blerësi, mbi bazën e së cilave kërkohet kompensimi janë të fiskalizuara dhe regjistruara në bazën e të dhënave të administratës tatimore qendrore.

6. Norma e kompensimit në masën 10% zbatohet mbi vlerën e faturës/ave tatimore që blerësi, person i tatueshëm i ka lëshuar shitësit, prodhues bujqësor, përgjatë periudhës gjashtëmujore, për të cilën kërkohet kompensimi.

7. Kompensimi ka për qëllim të mbulojë një pjesë të TVSH-së së paguar prej fermerëve në çmimin e blerjes së mallrave e shërbimeve, të blera për nevoja të kryerjes së aktivitetit të tyre prodhues bujqësor.

8. Pas marrjes së kërkesës për kompensim, administrata tatimore shqyrton kërkesën, kontrollon dhe vlerëson dokumentet bashkëlidhur, për të përcaktuar nëse fermeri i plotëson kushtet për përfitimin e kompensimit apo jo. Nëse konstatohen mangësi në dokumentacion, administrata tatimore njofton menjëherë fermerin për mangësitë e konstatuara dhe për plotësimin e tyre, brenda një afati 10-(dhjetë-)-ditor.

Administrata tatimore, krahas verifikimit të faturave të lëshuara nga blerësi, sipas nenit 9 të këtij udhëzimi dhe të firmosura nga shitësi-fermer, verifikon edhe nëse blerësi i produkteve bujqësore është person i tatueshëm i regjistruar për TVSH-në që ushtron aktivitet si grumbullues ose/dhe përpunues i produkteve bujqësore apo agroturizëm i certifikuar, sipas kuptimit në nenin 3 të këtij udhëzimi. Gjithashtu, ajo verifikon përputhshmërinë e vlerës së produkteve bujqësore sipas faturave të dorëzuara nga fermeri me vlerën e faturave të fiskalizuara dhe deklaruara nga blerësi në bazën e të dhënave të administratës tatimore qendrore.

9. Nëse pas verifikimeve, rezulton se janë përmbushur kërkesat dhe kushtet e përcaktuara në ligj dhe në këtë udhëzim, administrata tatimore, brenda 30 (tridhjetë) ditëve, paguan shumën e kompensimit direkt në llogarinë bankare të fermerit. Shuma që do të kompensohet është rezultat i shumëzimit të normës së kompensimit me vlerën totale të furnizimit të produkteve bujqësore, të kryer në periudhën përkatëse.

Neni 9

Fatura tatimore dhe norma e kompensimit

(Shtuar pikat 5, 5.1, 5.2, 5.3, 5.4 me udhëzimin nr. 10, datë 3.5.2016; ndryshuar numërtimi i nenit dhe ndryshuar me udhëzimin nr. 4, datë 30.1.2026¹)

1. Fatura duhet të përmbajë dhe të plotësohet me të gjitha të dhënat e kërkuara sipas rubrikave përkatëse. Në çdo faturë të lëshuar nga blerësi, person i tatueshëm, duhet të evidentohet shënimi “Vetëfaturim sipas skemës së kompensimit të prodhuesve bujqësorë”.

2. Fatura tatimore e fiskalizuar e shitjes, e lëshuar nga personi i tatueshëm blerës për prodhuesin bujqësor (fermerin), duhet detyrimisht të përmbajë të shënuara të dhënat e mëposhtme:

- i. numri i faturës;
- ii. numri i sigurisë së lëshuesit të faturës (NSLF);
- iii. numri identifikues i veçantë i faturës (NIVF);
- iv. data dhe ora e lëshimit të faturës;
- v. numri rendor që mundëson identifikimin e faturës;
- vi. të dhënat e fermerit, si: emri, adresa ku ka veprimtarinë prodhuese, NIPT-i;
- vii. të dhënat e blerësit, personit të tatueshëm, si: emri, adresa, kodi i vendit të ushtrimit të veprimtarisë, NIPT-i;
- viii. përshkrimi, sasia dhe njësia matëse e mallrave;
- ix. vlera e mallrave të blera pa TVSH.

3. Në rastin kur blerësi, personi i tatueshëm paraqitet në adresën e fermerit dhe transporton mallrat me mjetet e tij nga adresa e fermerit në adresën ku blerësi kryen veprimtarinë ekonomike, atëherë fatura tatimore i lëshohet fermerit nga blerësi në momentin që malli bëhet i disponueshëm prej blerësit dhe fatura shoqëron mallin në adresën e blerësit. Në këtë rast në faturë shënohen edhe të dhënat e

¹ Neni 9 shfuqizohet, neni 10 numërtohet 9, neni 11 shfuqizohet me udhëzimin nr. 4, datë 30.1.2026. Për nenin 12 ky udhëzim nuk shprehet ndaj renditja e neneve mbetet e tillë.

transportuesit.

Neni 12
Hyrja në fuqi

Ky udhëzim hyn në fuqi menjëherë dhe botohet në Fletoren Zyrtare.

MINISTRI I FINANCAVE
Shkëlqim Cani

Libri i Blerjeve

Shoqëria Shoqëria X
 Nipti J U
 Viti 2014
 Muaji II

Pa veprimtari ☐ Plotëso PD nëse gjatë muajit nuk është bërë asnjë transaksion.

Fatura			Shitësi			Totali Blerjeve (përfshirë TVSH)	Blerje										
Nr Faturës	Numri Serial	Data (dd/mm/yyyy)	Emri tregtar / personi	Rrethi	NIPT /Kodi Fermeri t		Të përfshijtura me Tvsh jo të zbritshme dhe pa TVSH	Importe me shkallë 20%		Importe me shkallë 10%		Nga Furnitorë Vendas me shkallë 20%		Nga Furnitorë Vendas me shkallë 10%		Nga Fermerët vendas	
								Nëra e Tatueshm	Tvsh	Nëra e Tatueshm	Tvsh	Nëra e Tatueshm	Tvsh	Nëra e Tatueshm	Tvsh	Nëra e Tatueshm	Tvsh
a	b	c	d	e	f	g-h-i-j-k-l-m-n-o-p-q-r	h	i	j	k	l	m	n	o	p	q	r
x	xxxxxxxx	dd/mm/yyyy	Fermeri AB	Berat	L N	30000										25000	5000
Shuma totale						30000										25000	5000
Kutia sipas formularit të Deklarimit dhe Pagesës së TVSH-së							kutia (15)	kutia (16)	kutia (17)	kutia (18)	kutia (19)	kutia (20)	kutia (21)	kutia (22)	kutia (23)	kutia (24)	kutia (25)

Emri Mbiemri
 Perfaqesuesi shoqërisë X

AKTMARRËVESHJE

Midis

Personit tëtatueshëm
 (Emri i subjektit)

Fermerit
 (Emri/mbiemri i fermerit)

Kjo marrëveshje lidhet më datë ____/____/____.

Ndërmjet:

Personit tëtatueshëm _____ (emri i subjektit) _____, me NIPT _____, adresë: _____ dhe veprimtari ekonomike _____ nga _____ përfaqësuar _____

Z. _____ (administrator) _____.

Fermerit _____ (emër/mbiemër i fermerit) _____ me NIPT _____ (NIPT-
isipas certifikatës së NIPT-it të fermerit _____, adresë _____,
i cili kryen veprimtari prodhuese bujqësore _____ (përshkrimin e veprimtarisë prodhuese
bujqësore) _____.

Sipas sëcilës:

Personat e mësipërm kanë rënë dakord për të kryer transaksione midis tyre në përputhje me
skemën e kompensimit të prodhuesve bujqësore, të parashikuar në ligjin 92/2014, datë 24.07.2014
“Për tatimin mbi vlerën e shtuar në Republikën e Shqipërisë”.

Është rënë dakord si më poshtë:

1. Objekti i Marrëveshjes

Kjo aktmarrëveshje ka për objekt furnizimin me produkte bujqësore të prodhuara në kuadër të
aktiviteteve prodhuese bujqësore që kryhen nga ky fermer si furnizues i produkteve për këtë
person të tatueshëmblerës të këtyre produkteve.

2. Baza ligjore e aktmarrëveshjes

- Ligji nr 92/2014, datë 24.7.2014 “Për tatimin mbi vlerën e shtuar në Republikën e Shqipërisë”;
- Udhëzimi i ministrit të Financave nr....., datë, “Për aplikim e regjimit të
veçantë të skemës së kompensimit të prodhuesve bujqësorë për qëllime të tatimit mbi vlerën e
shtuar”

3. Kushtet e fermerit

Fermeri që kryen veprimtari prodhuese bujqësore _____ (përshkrimi
i veprimtarisë) _____ merr përsipër të shesë (furnizojë)
personin e tatueshëm me produkte bujqësore të llojit si mëposhtë:

1. _____;

2. _____;

3. _____; etj

4. Kushtet e personit të tatueshëmblerës.

4.1 Nga ana e tij personi i tatueshëm për TVSH-nëblerës i këtyre produkteve në momentin e
disponimit të produkteve bujqësore, garanton se do të pajisë fermerin me fature tatimore me
TVSH, (si furnizues - kopje e dytë e faturës) të plotësuar në përputhje me dispozitat ligjore dhe
nënligjore dhe fermeri nënshkruanfaturën tatimore dhe ruan kopjen që i vihet në dispozicion nga
blerësi.

4.2 Personi i tatueshëm, blerës i produkteve bujqësore prej fermerit garanton se i përdorkëto
produkte në kuadër dhe vetëm për qëllime të veprimtarisë së tij ekonomike.

5. Vlera e furnizimit

Vlera e furnizimit dokumentohet sipas faturës tatimore me TVSH, e cila përmban dhe
plotësohet me të dhënat e kërkuara në dispozitat ligjore dhe nënligjore ku bazohet kjo marrëveshje.

6. Afati i marrëveshjes

6.1 Kjo marrëveshje hartohet dhe nënshkruhet në 3 akte format origjinal, një për fermerin dhe
dy për personin e tatueshëmblerës, i cili një kopje e paraqet në drejtorinë rajonale tatimore ku është
i regjistruar.

6.2 Për çdo ndryshim ose zgjidhje të kësajmarrëveshje, personi i tatueshëmblerës detyrohet të
njoftojë drejtorinë rajonale tatimore.

6.3 Kjo marrëveshje lidhet për një afat _____.

7. Të tjera midis palëve

Shënim. Palët sipas gjykimit të tyre përveç sa mësipër, mund të parashikojnë në

këtmarrëveshje kushte të tjera që nuk bien ndesh dhe nuk cenojnë kërkesat e kësaj marrëveshjeje dhe dispozitat përkatëse ligjore.

Administratori i personit të tatueshëm
(Emër, mbiemër, nënshkrimi, vula)

Fermeri
(Emër, mbiemër, nënshkrimi)

MINISTRIA E BUJQËSISË, ZHVILLIMIT RURAL DHE ADMINISTRIMIT TË UJËRAVE
DRBZHRAU _____

Nr. Prot. _____

VËRTETIM

Me anë të të cilit vërtetojmë se _____ (emër, atësia, mbiemër)
_____ me letërnjoftim (ID) nr. _____, ushtron aktivitetin si
fermer në veprimtarinë bujqësore _____ (përshkrimi i veprimtarisë/ve bujqësore që
kryen fermeri) _____
me adresë _____ (bashkia/fshati/etj).

Ky vërtetim lëshohet për qëllime të pajisjes me NIPT të fermerit në Drejtorinë Rajonale
Tatimore .

DREJTORI RAJONAL
(nënshkrimi/vula)

Shënim

Ky vërtetim është i vlefshëm 30 ditë nga data e lëshimit të tij prej autoritetit përkatës dhe
lëshohet sipas kërkesave të udhëzimit nr. datë të ministrit të Financave në zbatim të nenit
159 të ligjit nr. 92/2014, datë 24.7.2014 “Për tatimin mbi vlerën e shtuar në Republikën e
Shqipërisë”.

Në drejtorinë rajonale tatimore dorëzohet formati origjinal i këtij vërtetimi.

(Shtuar tabelat e mëposhtme me udhëzimin nr. 4, datë 30.1.2026)



Drejtoria e
Përgjithshme e
Tatimeve

KËRKESË PËR KOMPENSIM TË TVSH-së

Emri dhe mbiemri i fermerit:	
NIPT-i:	
Adresa:	

Numri i telefonit: _____			
Kërkoj shumën e kompensimit të TVSH-së, në zbatim të seksionit 4, kreu XI, të ligjit nr. 92/2014, i ndryshuar dhe udhëzimit të ministrit të Financave nr. 19, datë 3.11.2014, i ndryshuar.			
Vlera totale e furnizimit të produkteve bujqësore, të kryer në:	Norma e kompensimit	Shuma e kompensimit	Numri i llogarisë bankare: _____ _____ _____
Periudha: _____/viti_	10%	Shuma e kërkuar në lekë	
1	2	3= (1x2)	
_____ (Nënshkrimi i fermerit) _____ (data)			

ANEKS 1

LISTA E KODEVE TË VEPRIMTARIVE EKONOMIKE PËRFITUESE TË SKEMËS SË KOMPENSIMIT

1. Kultura bujqësore:

- a) bujqësia e përgjithshme, përfshirë vreshtarinë;
- b) pemëtaria (përfshirë olivokulturën) dhe hortikultura (perimet, lulet dhe bimët zbukuruese), edhe në serra;
- c) prodhimi i kërpudhave dhe i erëzave, i farërave dhe filizave;
- ç) prodhimi i fidanëve.

Nr.	Përshkrimi	Kodi
1	Kultivimi i drithërave (përveç orizit), të bimëve bishtajore dhe farërave vajore	A111
2	Kultivimi i orizit	A112
3	Kultivimi i perimeve dhe pjepër e shalqi, rrënjore dhe tuberozë	A113
4	Kultivimi i duhanit	A115
5	Kultivimi i bimëve fibroze	A116
6	Kultivimi i bimëve të tjera joshumëvjeçare	A119
7	Kultivimi i hardhive	A121
8	Kultivimi i agrumeve	A123
9	Kultivimi i frutave me bërthame dhe frutave me farë	A124
10	Rritja e të tjera pemëve e shkurreve frutore dhe e frutave te thata	A125
11	Rritja e frutave vajore	A126
12	Kultivimi i kulturave për pije	A127
13	Kultivimi i erëzave, bimëve aromatike, farmaceutike dhe mjekësore	A128

14	Kultivimi i bimëve të tjera shumëvjeçare	A129
15	Shumimi i bimëve	A130
16	Ferma mikse	A150
17	Aktivitetet ndihmëse për prodhimin bimor	A161
18	Përpunimi i farërave për shumim	A164
19	Mbledhja e produkteve pyjore të egra jodrusore rritur në natyrë	A230
20	Tregtia me shumicë e drithërave, duhanit të papërpunuar, farërave dhe ushqimit të kafshëve	G4621
21	Tregtia me shumicë e luleve dhe bimëve	G4622
22	Tregtia me shumicë e kafshëve	G4623
23	Tregtia me shumicë e frutave dhe perimeve	G4631
24	Tregtia me shumicë e produkteve të duhanit	G4635
25	Tregtia me shumicë e kafes, çajit, kakaos dhe erëzave	G4637
26	Tregtia me shumicë jo e specializuar e artikujve ushqimorë, pije dhe duhan	G4639
27	Tregtia me shumicë e produkteve të tjera ndërmjetëse	G4676
28	Tregtia me shumicë jo e specializuar	G4690
29	Përpunimi i lëngut të frutave dhe perimeve	C1032
30	Procese të tjera përpunimi dhe konservimi të frutave dhe perimeve	C1039
31	Përpunimi i produkteve të drithërave	C1061
32	Prodhimi i bukës, prodhimi pastave të freskëta dhe kekëve	C1071
33	Distilimi, rektifikimi dhe kombinimi i pijeve	C1101
34	Prodhimi i verës nga rrushi	C1102
35	Prodhimi i mushtit dhe verërave të tjera me bazë frutash	C1103
36	Prodhimi i birrës	C1105
37	Prodhimin e pijeve të tavolinës, prodhimi i ujit mineral dhe ujërave të tjerë në shishe	C1107
38	Përpunimi i vajrave esenciale	C2053
39	Prodhimi i produkteve të tjera ushqimore p.k.t	C1089

2. Blegtoria:

- a) mbarështimi i kafshëve;
- b) mbarështimi i shpendëve;
- c) mbarështimi i lepujve;
- ç) mbarështimi i bletëve;
- d) mbarështimi i krimbit të mëndafshit;
- dh) mbarështimi i kërmillit.

N r.	Përshkrimi	Kodi
1	Rritja e gjedhëve për qumësht	A14 1
2	Rritja e të tjera gjedhëve dhe buall	A14 2
3	Rritja e kuajve dhe njëthundrakëve	A14

		3
4	Rritja e dhenve dhe dhive	A14 5
5	Rritja e derrave	A14 6
6	Rritja e shpendëve	A14 7
7	Rritja e kafshëve të tjera	A14 9
8	Tregtia me shumicë e mishit dhe produkteve të mishit	G46 32
9	Tregtia me shumicë e produkteve bulmetore, vezëve, dhe vajit të gatimit dhe yndyrnave	G46 33
10	Prodhimi dhe përpunimi i mishit	C10 11
11	Prodhimi i produkteve të mishit dhe mishit të shpendëve	C10 13
12	Përpunimi i produkteve të qumështit	C10 51
13	Përpunimi i vajrave dhe yndyrnave	C10 41
14	Aktivitete ndihmëse për prodhimet blegtorale	A16 2